

ՍԱՐԳԻՍ ԿԱՍՅԱՆԸ ԱՆԴՐԿՈՎԿԱՍՈՒՄ ԿԱՊԻՏԱԼԻԶՄԻ ԶԱՐԳԱՑՄԱՆ
ՄԻ ՔԱՆԻ ԱՌԱՆՁՆԱՀԱՏԿՈՒԹՅՈՒՆՆԵՐԻ ՄԱՍԻՆ

Մ. Ա. ԴՐՈՒԳՈՐՅԱՆ

Կապիտալիզմը հասարակական վերջին հակամարտ արտադրության եղանակն է: Համաշխարհային պատմական զարգացման ամբողջ ընթացքը ցույց է տալիս, որ կապիտալիզմի անխուսափելի կործանման վերաբերյալ Կարլ Մարքսի ուսմունքը խորապես գիտական է ու ճշմարիտ: Մարքսի տրեստեսական ուսմունքը, նշում է Ս. Կասյանը, պրոլետարական գիտության զինանոցն է ինչպես շահագործողական կարգերի վերացման, այնպես էլ սոցիալիզմի կառուցման համար:

Սոցիալիստական արտադրական հարաբերությունների պայմաններում մարքսյան տեսության ուսումնասիրումը պատճառաբանվում է նրանով, որ այն ունի ոչ միայն պատմական նշանակություն կամ գնահատումն է հանճարեղ տնտեսագետի գիտական խոշորագույն ծառայության, այլև չափազանց կարևոր է նաև գործնական տեսակետից: Չնայած կապիտալիստական և սոցիալիստական տնտեսակարգերի արմատական տարբերություններին, «Մարքսի քաղաքատնտեսությունը շարունակում է ընձեռել ապահով միջոց մեր տեսնական իրականության հիմքերը ճշգրիտ տեսնելու... համար»¹, — գրում է Ս. Կասյանը:

Հենվելով Կ. Մարքսի ուսմունքի վրա, Ս. Կասյանը հանգամանորեն քննարկում է կապիտալիստական արտադրանքի ծագման, զարգացման և անկման հարցերը: Կապիտալիստական արտադրանքի առանձնահատկությունը նա համարում է այն, որ արտադրության միջոցները և աշխատուժը գտնվում են սոցիալապես հակադիր դասակարգերի ձեռքում: Ընդ որում առաջին ֆակտորի տեր ու տիրականը կապիտալիստ դասակարգն է՝ բուրժուազիան, — գրում է Կասյանը, — իսկ սուբյեկտիվ ֆակտորի կողմը՝ ժամանակակից պրոլետարիատը — ազատ, բայց ընդմիջտ վարձվող բանվորների դասակարգը: Արտադրության պրոցեսը ի կատար ածվելու համար այդ երկու ֆակտորները անհրաժեշտորեն միանում են՝ պայման, որ անխուսափելիորեն առաջ է բերում առաջին ֆակտորի ներկայացուցչի շահագործումը, այսինքն բանվորական ուժի ներկայացուցիչների աշխատանքի մեծագույն մասի յուրացումն²: Արտադրության միջոցներից զուրկ բանվորները սովի սպառնալիքի տակ իրենց աշխատուժը վաճառում են արտադրամիջոցների սեփականատիրոջը՝ կապիտալիստին:

Նախորդ արտադրանքի ժամանակ հասարակությունը հիմնական

1 Ս. Կասյան, Ընտիր երկեր, Երևան, 1967, էջ 419:

2 «Կայծ», 4. V. 1906:

նում բաղկացած էր միատարր միավորների զանգվածներից և յուրաքանչյուր աղբյուրի միավոր կատարում էր տնտեսական աշխատանքների համարյա բոլոր տեսակները՝ սկսած հումքի հայթայթումից, վերջացրած պատրաստի արդյունքի սպառումով։ Արտադրողական ուժերի հետագա զարգացման, արտադրության միջոցների մասնավոր սեփականության, ապրանքա-դրամային հարաբերությունների աճի և աշխատանքի հասարակական բաժանման խորացման հետևանքով բնատնտեսությունը տեղի տվեց։ Անցան այն ժամանակները, որոնք է Ս. Կասյանը, երբ «ժողովուրդներն ու ազգերը ապրում էին իրենց սեփական կյանքով, ինքնամոտիվ, սեփական կեղևի մեջ՝ առանց հարաբերության և կախման մեջ լինելու հարևանների հետ։ Կապիտալիզմի դարաշրջանում այդ հարաբերություններն այնքան են սերտացել, կախվածությունն այնքան խորացել, որ մի ժողովուրդի կյանքը դարձել է անհնարին առանց հարևանների և նույնիսկ հեռավոր ժողովուրդների կյանքի հետ կապ ունենալու»³։

Նույնն էր նաև հայ իրականության մեջ։ Չէ՞ որ կապիտալիզմը կանգ չի առնում ոչ մի խոչընդոտի առաջ։ Ընդհակառակը, «ուժգին հարվածով խորտակելով արգելքները,— դրում է Ս. Կասյանը,— նա մտնում է կույս երկիր, անխնա հարվածում հին կարգերը, տակնուվրա անում «նորմալ» կյանքը, տարածում իր դրական ու բացասական կողմերը, առաջ բերում անվերջ հակադրություններ»⁴։ Այդ էր պատճառը, որ XIX դ. վերջին և XX դ. սկզբին Հայաստանի արևելահայ և արևմտահայ հատվածներում նույնպես սկսեց զարգանալ կապիտալիզմը։

Հայ իրականության մեջ կապիտալիզմի զարգացման օրինաչափությունները բացահայտելու նպատակով Կասյանը ամենից առաջ այն հետազոտում էր Ռուսաստանում և Թուրքիայում, որոնց իշխանության տակ էին գտնվում Հայաստանի տարրեր հատվածները։

Ռուսաստանում կապիտալիզմի զարգացումն սկսվեց բավական ուշացումով։ Ս. Կասյանը նկատում է, որ Ռուսաստանի նախակապիտալիստական տնտեսաձևերի վերափոխման գործում վճռական դերը պատկանում է Արևմուտքին։ Ընդօրինակելով վերջինիս, Ռուսաստանն իր հերթին կապիտալիզմը տարածում էր երկրի ծայրամասերում։ Այսպիսով, Ռուսաստանը մի կողմից ենթարկվում էր օտար կապիտալին, մյուս կողմից՝ իր կապիտալին։ Ռուսաստանն անբնականորեն կապիտալը սկսեց, որպես կանոն, գործում էր առևտրական կապիտալի ձևով, որը անխնա շահագործում էր երկիրը, քամում բնական հարստությունները, քայքայում գյուղական ազգաբնակչությանը, խորտակում արտադրության հին ձևերը։

Սովորաբար առևտրական կապիտալ ներմուծող երկիրը սպառում է արտահանող երկրի արտադրանքը և նրան տալիս հումք։ Սակայն XIX դ. 70-ական թվականներից սկսած՝ Ռուսաստանը ընդունում է նաև արտասահմանյան կապիտալի արդյունաբերական ձևը։ Օտարերկրյա կապիտալի ազդեցությամբ երկրում կապիտալիզմը աստիճանաբար վերածվում է արդյունաբերականի, որը առևտրական կապիտալի քայքայած գյուղացիությունից առաջ է բերում պրոլետարիատ։ Օտար կապիտալի հետևանքով Ռուսաստանում ավելի արագ աճում էր պրոլետարիատը, քան արդյունաբերական բուրժուազիան։

3 Ս. Կասյան, Ընտիր երկեր, էջ 161։

4 «Մեր խոսքը», 26. 1. 1914։

Երկրի արտադրողական ուժերի զարգացումը չէր համապատասխանում ժողովրդական հարստության աճին,— նշում է Կասյանը,— «որովհետև աշխատանքի հավելյալ արժեքը՝ տոկոսների, շահի, ռենտայի միջոցով հոսում է սերկրից դուրս»⁵։ Հենց դրանով էլ բացատրվում է ռուսական բուրժուազիայի թուլությունը։

Հայտնի է, որ ցարական ինքնակալությունը բուն Ռուսաստանի և նրա ծայրամասերի նկատմամբ վարում էր ամենևին ոչ միատեսակ քաղաքականություն։ Երկրում տիրապետում էին ռուս ֆեոդալներն ու խոշոր դրամատերերը։ Միապետական իշխանությունը կախման մեջ էր գտնվում այդ երկու խմբերից և փաստորեն դարձել էր նրանց կամակատարը։ Ս. Կասյանը այդ ամենի պատճառը համարում է այն, որ երկրում խախտված էր պետական պարտքի և ազգային եկամտի համամասնությունը՝ պետական պարտքը հասել էր հսկայական չափերի։ Հետագայում երևան է գալիս ռուս առևտրա-արդյունաբերական բուրժուազիան։ Վերջինս գժգոհ էր ցարական կառավարությունից, սակայն ոչ թե հեղափոխականության պատճառով, ինչպես կարծում էին մենշևիկները, այլ երկրի կառավարման գործում իր գրաված ցածր դիրքերի համար։ Դրա հետ միաժամանակ ինքնակալությունը երբեմն դիպչում էր բուրժուազիայի տնտեսական շահերին՝ պրոլետարական շարժման ազդեցության տակ որոշ զիջումներ անելով աշխատանքի բանակի ներկայացուցիչներին։ Նման պայմաններում բուրժուազիայի մեջ ծագում էին կառավարությանը ոչ ձեռնտու օպոզիցիոն տրամադրություններ։ Եվ պատահական չէր, որ կառավարությունը գնում էր բուրժուազիայի նկատմամբ տնտեսական զիջումների՝ նրան հանձնելով երկրի որոշ գավառներ։ Նույն նկատառումով էլ, ըստ Ս. Կասյանի, ռուսական առևտրա-արդյունաբերական կապիտալի ճիրաններին է հանձնվում նաև Անդրկովկասը։

Ռուսական կապիտալիզմի հակասական զարգացումը պայմանավորված էր երկրի վիճակով։ Արևմտյան կապիտալը ձգտում էր ցարիզմը օգտագործել ոչ միայն երկիրը տնտեսապես շահագործելու, այլև քաղաքականապես ղրսպելու համար։ Եվ որքան էլ «օտար կապիտալի տիրապետումը ռուսական շուկայում և վերջինիս ձիսկական» տերերի պետական իրավունքների բռնադատումը անհաճո լինեին ռուսական բուրժուազիային,— գրում է Ս. Կասյանը,— որին նույնպես հարկավոր է միապետը, այնուամենայնիվ, նա պետք է տանելի համարեր դրությունը⁶, այլապես հասունացող հեղափոխությունը նրան վտանգ էր սպառնում։

Ի տարբերություն կենտրոնական Ռուսաստանի, նշում է Ս. Կասյանը, ինքնակալության քաղաքական շահերը Անդրկովկասում համընկնում էին ռուսական բուրժուազիայի տնտեսական և սոցիալական շահերին։ Եթե բուն Ռուսաստանում գործարանատերերը երբեմն դժգոհում էին բանվորների ու կապիտալիստների տնտեսական հարաբերություններին պետության միջամտությունից, ապա Անդրկովկասում այդպիսի առիթներ չկային։ Այստեղ արդյունաբերության զարգացման կասեցումը ձեռնտու էր ինչպես ռուսական արդյունաբերական բուրժուազիային, այնպես էլ ինքնակալության քաղաքական

⁵ Ս. Կասյան, Հայաստանի տնտեսական-դասակարգային ստրուկտուրան, Թիֆլիս, 1923, էջ 9։

⁶ «Կարմիր աստղ», 12. III. 1922։

նկատառումներին: Բանն այն է, որ Անդրկովկասում արդյունաբերության զարգացումը և բաղաձնորոշումը բանվորների կենտրոնացումը կատեղծեր Ռուսաստանի պայքարող պրոլետարիատի դաշնակից: Մյուս կողմից, ռուսական բուրժուազիան խուսափում էր մրցակցությունից՝ գտնելով, որ Անդրկովկասում արդյունաբերության զարգացման հետևանքով ռուս կապիտալիստը կզրկվի դերօգուտից: Ցարական կառավարությունը պաշտպանում էր ռուսական բուրժուազիայի նման դիրքորոշումը:

Բուն Ռուսաստանի և Անդրկովկասի փոխհարաբերությունները Ս. Կասյանը որակում է որպես գաղութային շահագործման հիմքերի վրա կառուցված տնտեսական հարաբերություններ: Նա գրում է. «Ինքնակալությունը Անդրկովկասի շուկան դարձնում է ռուս առևտրա-արդյունագործական կապիտալի բացառիկ սեփականությունը: Անդրկովկասը, որպես գաղութ, պարտավոր էր ուղարկել Ռուսաստան-մետրոպոլիայի ֆաբրիկատները: Անդրկովկասը պարտավոր էր իր հում նյութերը հանձնել Ռուսաստանին: Ինքնակալությունը ձեռք էր առնում ամեն միջոց, որպեսզի հում նյութը շմշակվեր տեղում, որպեսզի ծայրագավառը չզարգացներ իր մեջ սեփական արդյունագործություն, որպեսզի նա տնտեսապես կախված լիներ Ռուսաստանի գործարանատերերից, ենթարկված սրանց կապիտալիստական շահագործությանը»⁷: Դրա փոխարեն ինքնակալությունը Անդրկովկաս էր ներմուծում ռուսական արդյունաբերության արտադրանքը: Տեղական արհեստագործությունն ու տնայնագործությունը, չդիմանալով գործարանային ապրանքների մրցակցությանը, արագորեն շուկայից դուրս էին մղվում:

Սակայն որքան էլ ցարական բուրժուազիան ձգտում էր արգելակել Անդրկովկասի արդյունաբերության զարգացումը, այնուամենայնիվ անհնարին էր կասեցնել օբյեկտիվ տնտեսական օրենքների գործողությունը: Երկիրը կառավարողների կամքից անկախ, նշում է Ս. Կասյանը, Հայաստանում և ամբողջ Անդրկովկասում «ինդուստրիական կապիտալը լուր ու մունջ կատարեց իր հասարակական դերը, հեղաշրջելով ֆեոդալական միապաղաղ ու ճորտային հարաբերությունները և սոցիալական դիֆերենցիացիայի ենթարկելով ամբողջ հասարակությունը»⁸: Դրա հետևանքով երկրամասի բնակչության կյանքում տեղի ունեցան սոցիալ-տնտեսական աչքի ընկնող փոփոխություններ, որոնք էապես ազդեցին հասարակական կյանքի վրա: Այդ տեսակետից Ս. Կասյանը ընդգծում է «կապիտալիզմի, այսինքն՝ դրամատիզմի» խոշոր արդյունաբերության փառավոր մոտքը, որի անխուսափելի հետևանքն էր բանվորական շարժումը»⁹:

Ռուսական արդյունաբերության համար հատկապես կարևոր էին Անդրկովկասի նավթը, պղինձը, մարգանքը: Ցարական Ռուսաստանը արտասահմանից ներմուծելով կապիտալ, այն ներդնում էր Անդրկովկասում և առաջին հերթին՝ Բաքվում: Նավթարդյունաբերությունից ստացվող բարձր եկամուտը առաջ էր բերում այդ գործում նաև տեղական առևտրական կապիտալի օգտագործման անհրաժեշտություն: Սակայն, «Ապշերոնյան թերակղզում ռեհսանտ հանված» կապիտալիզմը, — գրում է Ս. Կասյանը, — ակիմատիզացիա-

7 Ս. Կասյան, Ընտիր երկեր, էջ 305:

8 «Կայծ», 9. IV. 1906:

9 «Վերածնություն» (Ռուշուկ), 10. II. 1904:

յի ենթարկվելով, այսինքն՝ ներմուծված կապիտալը ծնունդ տալով տեղական կապիտալին, միանալով նրա հետ և առաջ բերելով երկրային կապիտալիզմ, սահմանափակվում էր երկրի նեղ շավիղով¹⁰, գլխավորապես Բաքվով, մասամբ՝ Թիֆլիսով ու Բաթումիով՝ երկրամասի մնացած մասը թողնելով գաղութային կապիտալիզմի «թաթերի մեջ» կաշկանդված վիճակում:

Կասսյանը Բաքուն համարում էր եվրոպա-ամերիկյան կապիտալիզմի անդերկովկասյան նախադուռ, որը մի քանի տասնամյակում աճեց ու դարձավ եվրոպական տիպի խոշոր քաղաք՝ ենթարկվելով կապիտալիզմի բացասական ու դրական կողմերին, նրա աավերող ու շինարար ազդեցությանը: Դրան նպաստեց քաղաքի աշխարհագրական դիրքը և բնական հարստությունը, որոնցով նա դեպի իրեն էր ձգում կապիտալի ներկայացուցիչներին: Իսկապես ճնավթային արդյունաբերությունը այն հսկա անիվն է, — գրում էր Ս. Կասսյանը, — որ պտտեցնում է Բաքվի սոցիալ-տնտեսական ամբողջ կյանքը: Արտադրության այդ ճյուղի մեջ է արտահայտվել եվրոպական կապիտալիզմը իր ամբողջ թափով¹¹:

Ճիշտ չէր լինի, սակայն, Անդրկովկասում կապիտալիզմի զարգացման օրինաչափությունները բնութագրել միայն Բաքվի օրինակով: Չնայած կապիտալիզմի առաջընթացին Անդրկովկասում, այդուհանդերձ, այստեղ «հին, նախակապիտալիստական հասարակության տնտեսական ու սոցիալական կարգերը քաշկուտվում են նորածագ բուրժուական ձևերի մեջ» ինչպես կոլտուրապես ետ մնացած երկրներում... Ապրանքային մանր արդյունաբերությունը տակավին պատկանելի տեղ է բռնում մեր հասարակության մեջ¹²: Երկրամասում մեծ թիվ էին կազմում մանրբուրժուական տատանվող տարրերը, շարշիառեւորականները, ունեւոր արհեստավորները և մանր սեփականատեր գյուղացիները: Հակառակ դրան, արդյունաբերական պրոլետարիատի շարքերը այստեղ ստվար չէին:

Կապիտալիստական ուղիով զարգանալու առումով Հայաստանը գտնվում էր ավելի անբարենպաստ պայմաններում, քան Ադրբեջանը և Վրաստանը: Ս. Կասսյանը նկատում է, որ Հայաստանի տնտեսության զարգացումը պայմանավորված է ռուսական կապիտալիզմի վտայմբ և այն տեղով, որ նրան հատկացված էր կապիտալիզմի սիստեմում: Ավելին, եթե Անդրկովկասի առանձին կենտրոններում նկատվում էր արդյունաբերական կապիտալի որոշակի աճ, ապա դա չէր վերաբերում Հայաստանին: Վերջինս ենթարկված էր «միայն, առեւորական կապիտալի քայքայող բրիչին, իսկ արդյունաբերական կապիտալի շինող մուրճն ու զնդանը չեն աշխատել այնտեղ»¹³:

Ս. Կասսյանը վիճակագրական տվյալներով ապացուցում էր, որ նախասովետական Հայաստանը շարունակում էր մնալ գերազանցապես գյուղատնտեսական երկիր: Այսպես, նախապատերազմական տվյալների համաձայն, գյուղատնտեսությունը զբաղվել է Կովկասի հայրենիքի 71,3 տոկոսը, արդյունաբերության մեջ՝ 10,5, առեւորի և հաղորդակցության բնագավառում՝ 8,5, իսկ վարձու աշխատանքով՝ 4,1 տոկոսը: Ցարական Ռուսաստանի մի շարք այլ ծայրագավառներում դրությունը այդ տեսակետից համեմատաբար բարվոք է

10 Ս. Կասսյան, Հայաստանի տնտեսական-դասակարգային ստրուկտուրան, էջ 12—13:

11 «Կայծ», 9. IV. 1906:

12 «Ազգագ» (Ռուշուկ), 1. I. 1905:

13 Ս. Կասսյան, Հայաստանի տնտեսական-դասակարգային ստրուկտուրան, էջ 13:

նդել: Լաավիայում, օրինակ, գյուղատնտեսությանը զբաղվում էր ազգաբնակչության 56,1 տոկոսը, արդյունաբերությամբ՝ 17,9, առևտրով և հաղորդակցությամբ՝ 5,5 տոկոսը¹⁴: Ամբողջ Նրեանյան նահանգի գործարաններում ու արհեստանոցներում 1915 թ. աշխատել է ընդամենը 4738 մարդ, այն էլ ոչ արդյունաբերական բանվորներ: Նրանց մեծ մասը աշխատել է նախնական գործիքներով և ապրանքներ արտադրել սոսկ տեղական շուկայի համար: Միայն «փականագործական-մեխանիկական, շուգունածուլաբանային և սպիրտ դտող գործարաններն էին, որ իրենց 10—12 բանվորներով յուրաքանչյուրը՝ մի քիչ նմանում էին «քաղաքային արդյունագործությանը»¹⁵:

Առևտրական կապիտալի կաշկանդումների պատճառով Հայաստանը զուրկ էր ծանր արդյունաբերությունից: Սակայն դա չէր նշանակում, թե հայ իրականության մեջ կապիտալիզմը չէր զարգանում: Ընդհակառակը, Արեւելյան Հայաստանի տնտեսության առանձին ճյուղերում նկատվում էր խոշոր կապիտալիստական արտադրության զգալի աճ: Դա մասնավորապես վերաբերում է պղնձի արդյունահանմանը, գինու և կոնյակի արտադրությանը: Բայց սահմանափակ խոշոր արդյունաբերությունը չէր կարող որոշիչ լինել Հայաստանում կապիտալիզմի զարգացման համար:

Հայկական կապիտալի առանձնահատկությունը Ս. Կասյանը համարում է այն, որ վերջինս զարգանում էր ոչ թե բուն Հայաստանում, այլ նրա սահմաններից դուրս՝ Բաքվում, Մոսկվայում, Թիֆլիսում, Պոլսում, Ամերիկայում, Եդիպտոսում, Հնդկաստանում և այլուր: Հայաստանի սահմաններից դուրս կար է՝ հայ բուրժուազիա, և՛ հայ պրոլետարիատ: Դա անուղղակիորեն անդրադառնում էր Հայաստանի տնտեսական ու քաղաքական կյանքի վրա:

Ս. Կասյանը հանգամանորեն քննում է նաև անդրկովկասյան գյուղում կապիտալիզմի զարգացման հարցերը: Անդրկովկասի գյուղատնտեսական կապիտալիզմի առանձնահատկությունը նա համարում է այն, որ ի տարբերություն արդյունաբերականի, ցարական բյուրոկրատիան տեղական խոշոր հողատերերի և ազնվականների նկատմամբ վարում էր հովանավորման քաղաքականություն: Դրանով Անդրկովկասը տարբերվում էր արևմտյան կապիտալիստական երկրների գաղութներից: Ինքնակալությունը պաշտպանում էր միայն հողային խոշոր սեփականատերերի շահերը՝ նրանց մեջ տեսնելով գյուղում իր իշխանության հենարանը: Ինքնակալությունը իր տնտեսական քաղաքականությամբ քնդհանուր առմամբ քայքայում էր Հայաստանի և ամբողջ Անդրկովկասի գյուղատնտեսությունը. «Ռուսական կապիտալը, գործելով սկզբում առևտրական կապիտալի ձևով, հիմնավորապես քարուքանդ է արել Անդրկովկասի քնատնտեսությունը: Տեղում կյանքի կոչված առևտրական կապիտալի հետ միասին՝ նա ծծում էր գյուղացիության կենսական հյուսիքը: Անխնա կերպով ոչնչացնելով հին արտադրական ուժերը, միաժամանակ խանգարելով նոր արտադրական ուժերի զարգացումը, ինքնակալությունը ավելի ու ավելի էր կորզում գյուղացիության վերջին կոպեկները զանազան պարտքերի անվան տակ և երկաթե գավազանով քշում նրան աղքատության, արագ զարգացող պառուպերիզմի անողոք գիրկը»¹⁶:

¹⁴ Նույն տեղում, էջ 18:

¹⁵ Նույն տեղում, էջ 27:

¹⁶ Ս. Կասյան, Ընտրի երկեր, էջ 306:

Հստ Ս. Կասյանի, առևտրական կապիտալը առհասարակ տնտեսական նոր ձևեր չի ստեղծում, այլ ընդհակառակը, քայքայում ու ոչնչացնում է տրեստեսություն հին ձևերը: Հետևաբար, ռուսական առևտրական կապիտալին ևս բնատնտեսությունը չէր շահագրգռում, այլ նրան պետք էր փողային տնտեսություն, որպեսզի իր ապրանքները դրամով վաճառելու հնարավորություն ունենար: Սակայն գյուղացին փող չունեի: Կապիտալիստի ապրանքները փողով գնելու համար նա, ստիպված, չնչին գներով ծախում էր իր արտադրած մթերքները: Դա, իհարկե, դրությունը չէր փրկում: Նման դեպքում նրան «օգնության» էր հասնում գյուղական վաշխառուն կամ առևտրական կապիտալիստը՝ արագացնելով գյուղատնտեսության քայքայման պրոցեսը:

Առևտրական կապիտալի էությունը Ս. Կասյանը համարում է այն, որ նա շուկայում հանդես է գալիս խոշոր արդյունաբերության արդյունքի ձևով, այն դեպքում, երբ արտադրական պրոցեսը տեղի է ունենում մեծան ու բաժան տնտեսություններում: Իսկական արտադրողները շուկան իրապես չեն ճանաչում. նրանց հարաբերությունները սրա հետ կատարվում է ոչ թե անմիջապես, այլ դրամատեր-վաճառականների միջոցով և միջնորդությամբ: Արտաքին աշխարհը ճանաչում է բերքը շուկա հասցնող դրամատեր միջնորդ-վաճառականին, թեև վերջինս արտադրության մեջ, բացի իր դրամական պասսիվ մասնակցության, ուրիշ ոչ մի անմիջական և ակտիվ դեր չի կատարել¹⁷: Նույնիսկ բարեգործական կապիտալը, նշում է Ս. Կասյանը, սիրում է շահույթ կորզել: Հակառակը կարծել՝ կնշանակի ունենալ ռապակական դոզայով տիրացուական մտածելակերպ¹⁸:

Առևտրական կապիտալին տիրապետող միջնորդ-վաճառականը շահագործում է ինքնուրույն մանր արտադրողներին: Ս. Կասյանը ցույց է տալիս, որ այդ շահագործումն արտահայտվում է երկու ձևով՝ որպես գնող և որպես վաճառող:

Փողի կարիքից դրված, մանր արտադրողը շտապում է միջնորդ-վաճառականին ծախել իր արտադրանքը: Կամ էլ իր խղճով տնտեսությունը պասսիվանելու համար մանր արտադրողը պաբուքով փող է վերցնում միջնորդ-վաճառականից, պայմանով, որ նախօրոք որոշված գնով իր աշխատանքի արդյունքը ծախի նրան: Դրանով միջնորդ-վաճառականը հանդես է գալիս նաև որպես վաշխառու:

Հայաստանի գյուղատնտեսության մեջ կապիտալիզմը զարգանում էր դանդաղ և հակասական ընթացքով: Մինչև XX դ. սկիզբն այստեղ բնատնտեսությունը զիջում էր փողային տնտեսությանը թերևս միայն այգեգործության ու բամբակագործության բնագավառում: Հստ որում, այդ պրոցեսը նույնպես թույլ էր Գյուղատնտեսության մեջ ապրանքներ արտադրվում էին «սովորաբար մանր տնտեսություններում», — գրում է Ս. Կասյանը, — չնչին կապիտալներով, տեղական կամ նահանգի շուկաների համար, կա՛մ, վերջապես, ծախելու միջնորդ առևտրականներին¹⁹: Դրա հետևանքով, ինչպես ամբողջ Անդրկովկասի, այնպես էլ Հայաստանի գյուղատնտեսության մեջ մինչև ներկա դարի սկիզբն էլ իշխում էր առևտրական կապիտալը, իսկ արդյունաբերական կապիտալից մը տակավին պատմություն չունեի:

17 «Կայծ», 23. VII. 1906.

18 «Նորհրդային Հայաստան», 21. XI. 1923.

19 «Կայծ», 20. IV. 1906.

Սարսափելով հեղափոխությունից, ցարական կառավարությունը երկիրը վերածել էր բանտի ու աքսորի: Միևնույն ժամանակ ինքնակալությունը հասկանում էր, որ միայն բռնությունով հնարավոր չէ երկիրը պահել «խաղաղ» վիճակում: Ուստի, իր դիրքերը պահպանելու նպատակով նա վարում էր Ռուսաստանի սերիտորիայում ապրող տարբեր ժողովուրդների ռուսացման քաղաքականություն կամ էլ նրանց մեջ սերմանում ազգային թշնամանք: Կառավարությունը փակել տվեց ռուսաց ծխական դպրոցները, ուր ռամիկ գյուղացիներն էլ աղքատ քաղաքացիների դավանները ստանում էին մայրենի՝ իրենց հեշտ մորենի լեզվով կրթության սկզբնական սերմերը²⁰:

Ոչ-ռուս ժողովուրդների ռուսականացման քաղաքականությունը ինքնակալության կողմից իրականացվում էր նաև տնտեսապես: Այսպես, օրինակ, Ռուսաստանից Անդրկովկաս էին բերվում ռուս գյուղացիներ և բնակեցվում արգավանդ հողատարածությունների վրա: Ս. Կասյանը բերում է Բորչալուի դավառի՝ ռուսներով բնակեցված Պրիվոլնոյե գյուղի օրինակը, որտեղ յուրաքանչյուր ծուխ ուներ 7,7 հոգի՝ 32 դեսյատին բաժնեհողով և 7 դեսյատին կապալահողով: Մինչդեռ նույն դավառի Բարմադսըզ ադրբեջանական գյուղում նույնքան շնչից բաղկացած ամեն մի ծուխ ուներ 20 դեսյատին բաժնեհող և 5 դեսյատին կապալահող²¹:

Ցարական կառավարությունը խլեց նաև եկեղեցական ունեցվածքը՝ հայտարարելով, որ Հայաստանի վանքերի կալվածքները ռացիոնալ չեն օգտագործվում: Իհարկե, դա այդպես էր, նկատում է Կասյանը: Սակայն դա ինքնակալության իրավունք չի տալիս հափշտակելու եկեղեցու հողերը, մանավանդ որ հայ ժողովուրդը դրանից ոչինչ չի շահում: Ավելին, էջմիածնին պատկանող գյուղերում պտղով տասանորդի փոխարեն կառավարությունը մտցրեց դրամական հարկ, որի հետևանքով ավելի էր քայքայվում գյուղացու խաբսուլ տնտեսությունը:

Մասնավոր սեփականությունը բուրժուական հասարակության հիմնական ելակետն է: Չկա բուրժուական այնպիսի պետություն, որի օրենսդրությամբ թույլատրվի մասնավոր սեփականության հափշտակում: Ընդհակառակը, իշխում է Կասյանը, կապիտալիզմի օրոք մասնավոր սեփականությունը համարվում է կուռք, «մի անձնականության սրբություն, որին երկրպագում են բուրժուական տերությունները, աստվածային մի օրենք, որին ամենախիստ զգուշությամբ և ամենահավատարիմ կերպով շոյում և պահպանում են իշխանությունները»²²: Այդպիսին է նաև ցարական Ռուսաստանի օրենսդրությունը: Այգուհանդերձ, ձեռք մեկնելով ուրիշի ունեցվածքին, ինքնակալությունը խախտեց իր իսկ պաշտած օրենքը: Այդ օրենքն անհողդողդ է միայն այն ժամանակ, երբ խոսքը վերաբերում է ընչազուրկ բանվորին ու գյուղացուն: Եթե, օրինակ, որևէ աղքատ քանդավոր ակցիոներական մի ընկերության գործարանից թոցնե մի գործիք, եթե ցրտից կուլ եկած մի գյուղացի մի մեծ կալվածատերի անտառից մի կտոր փայտ կտրե իր մարմինը տաքացնելու համար, ամբողջ բուրժուա հասարակությունը իսկույն կգոռա՝ ավազակություն՝, ոստիկանություն՝ ոճրագործություն՝, իսկ օրենսգիրքը կազգարարե՝ կախաղա՛ն...»²³:

20 «Վերածնություն», 2. VIII. 1903:

21 Ս. Կասյան, Ընտրի երկեր, էջ 312—313:

22 «Վերածնություն», 9. VIII. 1903:

23 Նույն տեղում:

Անդրկովկասի բուրժուա-նացիոնալիստական կուսակցությունների գաղափարախոսները իրենց հերթին օտարացնում էին տարբեր ազգերի աշխատավորներին՝ քարոզելով «ազգի միասնություն» ընդդեմ երկրամասի մյուս ժողովուրդների: Իսկ դա ձեռնառու էր հայ բուրժուազիային: Վերջինս, նշում է Ս. Կասյանը, «որպեսզի յուր գործարանում աշխատող հայ բանվորի աշխատանքի ուժը «արյունակցությամբ» շահագործեն և նրա դասակարգային վնասակար գիտակցությունը խավարի մեջ պահեն՝ ազգային միություն է երգում: Որպեսզի երկրի շուկան յուր դասակարգի այլազգ քուլեզների մրցումից ապահովեն և ամբողջապես յուր տրամադրության տակ դնեն՝ ազգային շահն է քարոզում»²⁴:

Հայ իրականության մեջ սպեցիֆիկները փորձում էին ապացուցել, թե կապիտալիզմի ժամանակ պրոլետարիատի դասակարգային պայքարը տարբեր ազգերի մոտ ունի տարբեր բնույթ և այդ տեսակետից հայերը, իբր, առանձնահատուկ են: Փաստորեն դրանով նրանք փորձում էին Հայաստանի բանվորներին անջատել միջազգային պրոլետարիատի պայքարից: Մինչդեռ կապիտալիստական շահագործումը ամենուրեք ենթարկվում է նույն օրենքներին. «կապիտալը,— նշում է Ս. Կասյանը,— բաղկացած է նույն Ց-ից, Վ-ից և Ս-ից... Հավելյալ արժեքի նորմայի շուրջը եղող կոիվը կարո՞ղ է տարբեր լինել հայ, թուրք և ուրիշ պրոլետարիատի մեջ Բաքվում: Բացարձակապես ո՛չ: Իտալիայի, Ավստրիայի, Միացյալ պետությունների՝ կամ հայ, թուրք, վրացի, ուրիշ պրոլետարիատի դասակարգային կոիվի սոցիալական նպատակը կարո՞ղ է տարբեր լինել իրարից: Բացարձակապես ո՛չ»²⁵: Կապիտալիզմի դեմ պրոլետարիատի դասակարգային պայքարը ունի միջազգային բնույթ: Դեռևս դարասկզբին Ս. Կասյանը կանխատեսում էր, որ Անդրկովկասի բոլոր ազգերի բանվորներն ու գյուղացիները համատեղ կպայքարեն կապիտալիզմի ու հակահեղափոխության դեմ և ժողովուրդների միջև կհաստատեն լիակատար խաղաղություն ու եղբայրություն:

САРКИС КАСЬЯН О НЕКОТОРЫХ ОСОБЕННОСТЯХ РАЗВИТИЯ КАПИТАЛИЗМА В ЗАКАВКАЗЬЕ

М. А. ГРИГОРЯН

Резюме

Царское самодержавие всеми мерами тормозило развитие производительных сил Закавказья. Это обстоятельство С. Касьян объясняет тем, что развитие промышленности на периферии не соответствовало интересам и правительства и русской буржуазии: развитие промышленности в Закавказье создало бы союзника русскому революционному пролетариату. С другой стороны, русская буржуазия не хотела лишиться сверхприбылей, получаемых путем вывоза своих товаров в Закавказье.

Однако многочисленными фактами С. Касьян доказывает, что правящие круги царской России не смогли остановить действие объективных законов. Богатые природные ресурсы Закавказья принудили правительство основать здесь промышленные и горнорудные предприятия, благодаря чему в крае произошли значительные социально-экономические сдвиги.

²⁴ Նույն տեղում, 9. III. 1904:

²⁵ Ս. Կասյան, Սպեցիֆիկները և սպեցիֆիզմը, Թիֆլիս, էջ 32—33: